

最新

種痘全書

奉化陳滋編輯


新學會社發行

最新

種痘全書

奉化陳滋編輯

新學會社發行



南京中医药大学图书馆版权所有

光緒三十四年九月出版



(最新種痘全書)

定價大洋六角

編輯者 奉化 陳 滋

校對者 同 莊景仲

發行者 醫學叢書社

印刷所 廣智書局
上海西門外梅林山路順元里

發行所 各省大書坊

總發行所 上海棋盤街甯波日升街
新學會社

最新種痘全書叙言

晉徐靈胎氏有曰造物之機久而愈洩遂世所增之奇藥或出荒山海澨或出殊方異域能治古方所不能治之奇病博物君子亦宜識之嗚呼豈惟藥物如是即醫理何獨不然然徐氏生乾嘉間時東西醫學猶未輸入我中國也其所見已匱乎不可及若降而生於今則必手東西醫學諸書而博覽不倦確信無疑可想見焉余竊怪夫今之以醫名者一知半解故步自封動輒詆西醫爲詭道卽如西洋種牛痘之法傳入中國已閱數十年保全中國嬰兒之生命不下數千萬而期期以爲不可者猶十二三焉矧其他乎然此固由於國人守舊性之牢固而亦未始非編輯種痘方書者之不能抉要旨闡精義以破其惑而導其迷也余友陳君益卿於普通科學夙具根柢遂進而研究醫學已五年於茲矣旣畢業於武林同仁醫學校近復寓滬濱日本醫院爲實地鍊習計其診病處方往往駕日人而上之以熟知風土故也念現行痘科諸書絕尠善本擬手輯一編以津逮來者脩業餘晷參攷中東醫籍輯有種痘

全書凡六章得四萬餘言敍天痘水痘之原因人痘牛痘之歷史既詳且備而於種
法治法診斷法及各種痘苗之採製貯藏等法皆條分縷析闡發靡遺融貫中外採
摭宏富得此書庶無閒然矣編旣成屬余一言爲之序余自壯歲患肺病遂雖稍稍
涉獵中國方書方以未得其門而入爲憾又何敢於陳君之書贊一辭惟素諗陳君
精於醫則是編之出也必爲方伎家所歡迎而循是以治痘得補救之法良多亦我
國強種新法之一端也余雖不文奚以辭爰綴數語以質諸世之讀是編者皆光諸
歲在戊申秋八月奉化王紹翰叙於甯波府中學校之南齋

最新種痘全書凡例

一天痘之禍。彌蔓全球。今日預防之策。以種牛痘爲最善。故世界各國競行之。我國古時亦甚講防痘之法。痘瘡古方之多。爲各國所未有。且至宋而得傳痘法。亦云備矣。惜古方奏効不確。傳痘發病太劇。嘉道以來。牛痘法雖已輸入。而操術不精。每發合併病。至是我國天痘之流行。乃無完全預防策矣。是書爲改良舊法。普及牛痘而作。共分六章。首論天痘。窮其源也。次及人痘。存古法也。三詳牛痘。本書之正義也。四敘水痘。連類及之也。五析痘苗。植基礎也。六附種痘規則。備參攷也。二本書材料。採自東籍者十之八。摭于古書者十之二。東籍以橋本節齋新內科全書。及近世內科全書。岡田榮吉鳴氏內科全書。平出謙吉實用小兒病學。栗林傳吉最新種痘學。角倉賀道種痘全書。善那種痘發明。筒井八百珠臨床醫典爲主。古書以御纂醫宗金鑑。翁仲仁痘疹金鏡錄。王肯堂幼科準繩。許浚東醫寶鑑爲

主。

三古書論痘綦詳。惜理論泥于陰陽。方藥未經化驗。不爲世界醫學家所公認。故置而不錄。惟節取其論之近于事實者。遺金拾石。掛一漏萬。在所不免。匡其不逮。是所望于高明。

四書中藥名仍襲日名。爲便于購置也。藥量則用格蘭姆量。一格蘭姆約合庫平二分六釐以其爲理

學家所通用也。而醫家處方。通用省寫法。卽以小數點爲主。以一格蘭姆爲單位。如一〇、卽一格蘭姆也。一〇〇、卽十格蘭姆也。〇、一、卽一格蘭姆之十分之一。一提西格蘭姆也。〇、〇一、卽一格蘭姆之百分之一。一生的格蘭姆也。今從之。藥之水溶液。以百分數計。其寫法則省作%。如一%、卽百分之一。五%、卽百分之五。今亦從之。

光緒三十四年九月九日

編者織

最新種痘全書目錄

第一章 天痘

第一節 天痘之歷史

第二節 天痘之原因

第三節 天痘之常症

第四節 天痘之變症

第五節 天痘之併發症

第六節 天痘之解剖變化

第七節 天痘之預後

第八節 天痘之診斷

第九節 天痘之治法

第十節 天痘之貽禍

第二章 人痘

第一節 人痘之歷史

第二節 人痘之種法

第三節 人痘之症候預後治法

第四節 人痘之害處

第三章 牛痘

第一節 牛痘之歷史

第二節 牛痘之種法

第三節 牛痘之常症

第四節 牛痘之變症

第五節 牛痘之併發症

第六節 牛痘之治法

第七節 牛痘之効力

第四章 水痘

第一節 水痘之原因

第二節 水痘之常症

第三節 水痘之變症及併發症

第四節 水痘之診斷

第五節 水痘之預後

第六節 水痘之解剖變化

第七節 水痘之療法

第五章 痘苗

第一節 天然牛痘苗

第二節 再化牛痘苗

第三節 牛化天痘苗

第四節 人化牛痘苗

第五節 還種牛痘苗

第六節 純粹牛痘苗

第七節 痘苗之採法

第八節 痘苗之製法

第九節 痘苗之貯法

第六章 種痘規則

第一節 德國聯邦種痘律

第二節 日本種痘律

第三節 日本東京府種痘律詳章

第四節 日本東京府種痘施術要則

最新種痘全書目錄(終)

最新種痘全書

奉化陳滋編輯



第一章 天痘

天痘乃急性傳染病之一種。皮疹體溫各有定型。傳染力極強。流行性甚著。以其天然發生。故曰天然痘。俗曰天痘。古曰痘瘡。或曰眞痘。對下假痘而言

第一節 天痘之歷史

天痘初發之地。杳不可知。按之史乘。似在中亞細亞。歐書亦以亞細亞爲天痘初發流行地。在我國漢元狩二年。馬伏波征南陽。士卒皆染天痘。或曰前漢建元中。自西域侵入。或曰後漢光武建武中。自南陽之虜侵入蔓延。故稱虜病。或曰東晉元帝建武中。自南陽侵入。或曰唐永徽四年。自西方傳來。要之其初發地爲中亞細亞無疑。在日本聖武帝天平七年。筑紫漁人。漂流新羅。感染天痘。歸國以後。流行蔓延。其入歐洲。在六世紀。或曰十一世紀中。始逞流行。蓋爲戰爭之結果。自小亞細亞侵

入者。兼之戰時怠于衛生。故其流行益甚。後十六世紀中。又起慘劇之流行。至十八世紀中。善那氏發明牛痘接種法。而天痘漸藏鋒。其功誠偉矣。

第二節 天痘之原因

(一)素因。人不種痘。必染天痘。因人無不有染天痘之素因。雖胎兒老人亦不免之。妊婦產婦發育兒。其素因尤強。故妊婦罹天痘。預後常不良。惟猩紅熱麻疹腸窒扶斯諸病中。對天痘有一定保護力。

據黑衣姆氏報告。或家族數世不感痘。即先天免疫質是。

黑種對天痘之素因。比白種強。故染之較易。發病亦劇。

天痘能自母體傳染胎兒。故妊娠中罹天痘。則產發疹之胎兒。或在胎內傳染。分娩後直發疹。古魯修孟氏曰。胎內傳染之痘。其經過良。

天痘爲兒童期之病。其素因似隨年齡而減。

或曰生後一月內。對天痘之感受性少。雖種痘亦經過甚輕。是未可信。蓋此時接

於病毒之危險。與傳染之機會。俱少故也。

一罹天痘。則得免疫質。此後不再發。因素因除卻也。故種痘亦無非除素因使成免疫質也。

(二)真因。

天痘之發。古說不一。賴天師氏曰。

說見阿刺伯古書在紀元前九百年

兒童血液如果汁。能

醱酵。一醱酵。則體質清淨。蓋妊娠中。子宮口閉鎖。胎兒自經血受營養。天痘之發。即因不潔血液之作用。故發痘多則經過良。罹天痘後兒童血液清潔。故不再發。其後阿刺伯人阿並渣亞兒氏及愛聽那氏。謂痘之傳染物質。係醱酵素。兒體痘毒。因此醱酵素而醱酵。遂發痘。

以上乃人智未開時代之想像說。由今視之。其學說尙幼稚。

近數十年醫學上微生物學大進步。前之醱酵說。全否認之。蓋天痘必有特異生物病原入患者體內。產特異毒物。而發特異病型。其傳染物質。必存於痘疱之漿液膿汁及痂皮中。血液在第一期亦含其傳染物質。雖不與患者接觸。不衣患者

衣服。不用患者器具。而空氣亦能爲傳染之媒。

顧此痘原體。舉世學子。雖行各種試驗。終不能達其目的。迄今報告之成績甚多。如傅阿衣撫愛兒氏已報告至百回已上。今所已發表者。不外二種。一爲細菌。一爲原蟲。

貝孤德孟氏於痘之化膿期。發見黃金色橙黃色白色葡萄狀球菌。葛兒來氏發見鏈鎖狀化膿菌。均以爲痘原體。然是係痘疱化膿期混入者。與痘無關係。苦愛師德氏麥落脫氏愛姆收兒子氏克霍氏傅阿衣來兒氏等在天痘疱及種痘疱中發見細菌。以爲痘原體。中西龜太郎氏一千九百年。發見似寔扶的里菌之一種桿菌。以爲痘原體。行各種試驗。報其結果。後知該菌存于牛及牛之皮膚中。與痘毫無關係。更棄其說。今則多主原蟲說。倡細菌說者殆無之。蓋痘苗雖加佩里設林石炭酸以殺菌。尙永保其毒性。則痘原體之非菌明矣。

原蟲說一千八百八十七年愛兒捕矮夫愛兒氏之所倡。氏于種痘三四日後。在